

Annertuumik innarluutillit ikiorserneqartarnerat pillugu Inatsisartut peqqussutaata allanngortinneqarnera pillugu Inatsisartut peqqussutaat nr. 12, 5. december 2008-imeersoq (Ikiorserneqarnissamut ukiunut killissarititat)

§ 1

Annertuumik innarluutillit ikiorserneqartarnerat pillugu Inatsisartut peqqussutaanni nr. 7-imi, 3. november 1994-imeersumi, inatsisartut peqqussutaatigut nr. 13., 31. oktober 1996-meersutigut, inatsisartut peqqussutaatigut nr. 1, 23. maj 2000-imeersutigut aammalu Inatsisartut peqqussutaatigut nr. 13-ikkut, 20. november 2006-imeersukkut allanngortinneqartumi makku allannguutigittinneqassapput:

1. § 3 imm. 1 imatut oqaasertalerneqassaaq:

"Inuit Kalaallit Nunaanni aalajangersimasumik najugaqartut timikkut eqqarsartaatsikkulluunniit annertuumik innarluuteqarnertik pissutigalugu pisartakkanik immikkut ittunik pisariaqartitsisut utoqqalinermi pensionisiaqalernissamut peqqussummi ukiut killissaattut aalajangersarneqarsimasoq sukkulluunniit atuuttoq inorlugu ukiullit peqqussummi matumani malittarisassat malillugit ikiorserneqarsinnaapput."

§ 2

Inatsisartut peqqussutaat 1. januar 2009-mi atortuulersinneqassaaq.

Namminersornerullutik Oqartussat, ulloq 5. december 2008

Hans Enoksen

/

Naja Petersen